

2



# A la Musique.

**A**usse les yeux au ciel, Musique gracieuse,  
 Et quitte tes douleurs: car tu peux desormais  
 Chastement frequenter les maisons & palais,  
 Pour chasser des esprits la pensee ennuyeuse.  
 Auiene en nostre temps, que de main plus soigneuse  
 On pare ta beauté si que pour tout iamais  
 Tu puisses en tous lieux perdre le taint mauuais  
 Qui te rendoit & rend en maints liures honteuse.  
 Auiene que celui qui te peut honnorer,  
 Face par son labeur l' Eternel adorer,  
 Puis que tout don parfait decoule de sa grace:  
 A fin qu' à l' auenir les Anges sur les cieux,  
 En terre les humains, d' vn accord gracieux  
 Ses immenses bontez chantent deuant sa face.

S. G. S.